

Sosiálahuolahuoslága mielde sáhttobálvalusaid mieđihanákkat ja heivehanrávvagat Ohcejoga gielddas 1.7.2022 rájes



1. Dábálaš áššit

Sáhttobálvalusa lea vejolaš oažžut lápmásiidbálvalanlága dahje sosiálafuolahuslága vuodul. Dát rávvagat gusket sosiálafuolahuslágas oaivvilduvvon sáhttobálvalusa. Juksanáigumuššan lea ollašuhttit sosiálafuolahuslága ulbmila buresveadjima ovddideamis ja doalaheamis sihke sierraárvvu ja ravgáseami caggamis ja geahpedeamis.

Sosiálafuolahuslága 23§ mielde bálvalusaid mat dorjot lihcadeami, sáhtta ordnet mángga ahkásaš olbmuide, geat eai nagot iehčanassii geavahit almmolaš johtolaga buohcuvuođa, vátu dahje eará doaibmannávcca heajudahtti siva geažil. Sáhttobálvalusain doarjut ovdamearkka dihte ruovttus orruma, iežas eallima hálddašeami sihke sosiálalaš eallima doalaheami. Sosiálafuolahuslága lihcadeami doarju sáhttobálvalusa sáhtta nappo mieđihit áššiid dikšun- ja astoáiggemátkkiide olbmuide, geat eai nagot iehčanassii geavahit almmolaš johtolaga buohcuvuođa, vátu dahje eará doaibmannávcca heajudahtti siva geažil.

Sáhttobálvalus mieđihuvvo dábálaččat dušše iežas gili guovllus dáhphuvvi mátkkiide. Sierradáhphusain ja bargiin soahpamiin, mátkkit sáhttet leat guhkibut iežas gieldda guovllus dahje mátkkit ránnjá gildii.

2. Mieđihanákkat 1.7.2022 rájes

Sáhttobálvalus ohcojuvvo čálalaččat ja ohcamuš čujuhuvvo rabasbálvalusjođiheaddjái. Ohcamuša čuovusin biddjojuvvo maid olbmo guoski boahtočilgehus, dasgo doarjja lea árvvoštallanvuloš ja boađuide čatnašuvvi ovdu.

Sosiálafuolahuslága mielde sáhttobálvalusa sáhtta mieđihit, jos čuovvovaš ákkat ollašuvvet:

- Ohccis lea ruovttugieldalága mielde ruovttugielda Ohcejogas.
- Ohccis lea hedjonan doaibmannávccat ovdamearkka dihte buohcuvuođa dahje agáiduvvama geažil.
- Ohccis leat ákkastallon sivat manne ja man áigumuša várás ohcá sáhttobálvalusa.
- Ohcci ii oaččo johtimii eará doarjaga (kela, dáhkádušfitnodat dahje eará danveardásaš).
- Ohcci ii leat lágádusdivššus.
- Jos dálloalalus lea biila anus, sáhttobálvalus ii dábálaččat dalle mieđihuvvo.

- Okto orru ohcci bruttobođut leat 1250 euro dahje das unnit mánotbajis ja seastoruđat eanemustá 4000 euro. Guovtti olbmo dállođalus boahtorádjá lea 2200 euro ja seastoruđat eanemustá 8000 €. (Boahtorádjat eai guoskka linnjátáksiide mieđihuvvon sáhttobálvalusaid).
- Sáhttobálvalus mieđihuvvo dábálaččat 65 jagi deavdán olbmuide.

3. Mearráđus sáhttobálvalusain

Mearráđusa áššehasa vuoigatvuođas lápmásiidbálvalanlága dahje sosiálafuolahuslága mielde sáhttobálvalussii dahká rabasbálvalusjodiheaddji. Rabasbálvalusjodiheaddji árvvoštallá olbmo doaibmannávccaid ja sáhttobálvalusaid dárbbu. Mearráđusdahkamis vuhtii váldojit guđege áššehasa dárbbut sáhttobálvalusa ordnenvuogi oasil. Sáhttobálvalusaid sáhtta mieđihit 4-8 ovttaguvllot mátki várás mánotbajis. Jos áššehasas gehččojuvvo leat vuoigatvuohta sáhttobálvalussii, bálvalus mieđihuvvo ohcanmánotbaji álggu rájes. Mearráđus vuoigatvuođas sáhttobálvalussii dahkko eanemustá seamma jagi loahpa rádjai. Áššehas oažžu iežas ohcamuššii čálalaš virgedoallimearráđusa, nuppástusohcanrávvaga sihke rávvaga sáhttobálvalusa geavaheamis.

4. Sáhttobálvalus

Sáhttobálvalus mieđihuvvo ovdasajis sohppojuvvon linnjátáksiide. Jos áššehasas lea vejolašvuohta geavahit almmolaš johtolaga, sáhttobálvalus ii mieđihuvvo.

Sáhttobálvalusas berrojuvvon linnjabiilatákasa mielde iežasvástuoassi sihke manadettiin- ja máhccanmátkkis. Vuordináigi buhttejuvvon dušše dan dáhpáhusas, ahte dat boahotá hálbibun go nuppi dahje seamma tákse báikki ala diŋgon máhccanmátkki várás. Jos áššehas dárbbabaš veahki táksevuoddjis áššiid dikšumii dahje gávppis fitnamii, merkejuvvon dat áššehasa sáhttobálvalusmearráđussii. Áššehasas lea maid vejolašvuohta váldit fárrui ovttá sáhtašeaddji.

Sáhttobálvalusaid oažžu dahje su áššiid dikšu olmmoš galgá almmuhit dalán Ohcejoga gieldda rabasbálvalusjodiheaddjai buot sáhttobálvalussii laktáseaddji nuppástusaid birra, dego čujuhusa dahje ruovttugieldda nuppástuvvamis, doaibmannávccaid guoski nuppástusain, guhkesáigásašdikšui sirdašuvvamis dahje sáhttobálvalusdárbbu nohkamis. Rabasbálvalusa jodiheaddji árvvoštallá, eaktudago nuppástus sáhttobálvalusmearráđusa dárkkistusa. Ruovttugieldda nuppástuvadettiin sáhttobálvalus ohccojuvvon ođđa ruovttugielddas

Buot sosiálafuolahuslága mielde sáhttobálvalusat dárkkistuvvojit 1.7.2022 rájes.